



江北運程卷十八提綱

山東濟甯州屬嘉祥縣歷曹州府鉅野縣至濟甯直隸州

境

會通河經嘉祥縣自孫村上接汶上縣入境起

六里跨河寺前鋪插嘉祥

八里右岸大長溝嘉祥

四里 小長溝嘉祥鉅野在嘉祥縣城東北

八里 右自孫村起至小長溝會通河行嘉祥縣境計程十八里

下入鉅野縣界

江北運程

卷十八

提綱

會通河經鉅野縣自小長溝上接嘉祥縣入境起

八里右岸白嘴鋪鉅野

十里跨河通濟橋鉅野在鉅野縣城東北

五里右岸曹井橋濟甯


六里 右自小長溝起至曹井橋會通河行鉅野縣境計程二十

三里下入濟甯州界

濟甯州境水櫃有馬場湖

五派泉源其一出於滋陽

於曲阜



於泗水

於甯陽之南

益之以濟甯之東

凡百十有一泉

昔之天井派今之馬場派也

江北運程

卷十八

提綱

二

江北運程卷十八

甘泉董恂醞卿甫輯

山東濟甯州屬嘉祥縣歷曹州府鉅野縣至濟甯直隸州

境

會通河經嘉祥縣自孫村上接汶上縣入境起。

漕運紀程鉅嘉主簿一員兼管嘉祥縣河道南自小長溝鉅野

縣界起北至孫村汶上縣界止計長一十六里嘉祥汛淺鋪十

二日大長溝北金綫舖傅家祠大王廟寺前鋪太平莊利運舖

居濟一得利運舖在寺前鋪舖之北在南旺上舖之南為蜀山

湖之門戶相傳以為濟南運不濟北運予始亦信以為然見南

江北運程

卷十八

一

分水口濟運至初夏見運河自南旺以北水勢甚小乃相度形

勢量水淺深知利運舖之水可以北注於是令舖官堅閉寺前

鋪舖並啟南旺上下開河三舖二板開利運舖放水北注其勢

暢流乃知利運舖可以濟北運矣前言濟南運而不濟北運者

蓋以利運舖之水一過寺前鋪舖至通濟舖有三十餘里之遠

且地勢最下水性就下安得而不往南乎北過南旺上舖至下

舖止十里遠又有汶水南行上舖一啟板汶河之水且往南流

利運舖之水又安能北往乎是利運常開則止濟南運而不濟

北運矣予今用一法南北兼濟將舖板常閉南邊少水則閉上

舖啟寺前鋪板開利運舖放水以濟南運水勢足用即行下板

不可多洩北邊少水則閉寺前鋪舖啟南旺上下開河三舖之

板開利運舖放水以濟北運水勢足用即行下板則南北可以

兼濟而水勢不致妄洩元帝廟三官廟丁家嘴觀音嘴孫村界

似為得節宣之要矣額設淺夫四十八名五分雍正五年新改河兵二十三名運河

廳冊嘉祥縣汛運河東岸官家河灘對過接舊挑水埧第三道

南首河面防風埽工一段長四十丈寬一丈一尺高一丈二尺挑水草埧第三道。上水長一丈五尺。下水長二丈。面寬三丈。靠隄寬五丈。高一丈二尺。又空檔內接連第三道草埧河面防風埽工一段。長十一丈五尺。寬一丈。高一丈。挑水草埧第二道。上水長一丈五尺。下水長二丈五尺。面寬四丈。靠隄寬六丈。高一丈二尺。又空檔內接連第二道草埧河面防風埽工一段。長十一丈五尺。寬一丈。高一丈。恂按其第一道係舊金綫廂南原冊紀於此下。大元帝廟對

江北運程

卷十八

二

挑水草埧第三道。上水長一丈。下水長二丈。面寬四丈。靠隄寬六丈。高一丈。挑水草埧第二道。上水長二丈。下水長二丈五尺。面寬五丈。靠隄寬七丈。高一丈。又空檔內接連第二道草埧河面防風埽工一段。長八丈五尺。寬一丈。高一丈一尺。丁家灣北隄工一段。原長六十五丈。內挑水草埧第一道。上水長一丈。下水長二丈。面寬四丈。靠隄寬六丈。高一丈。恂按原冊此下紀利運牘。蜀山湖圈隄孫村交界碎石隄工一段。長八十三丈。於乾隆四十年建修。嘉慶十八年補修。孫村交界南碎石工一段。長六十八丈。乾隆三十七年建修。嘉慶十八年補修。觀音堂對

過碎石隄工一段。長六十五丈。乾隆四十三年建修。四十六年補修。孫村人家內間段碎石隄工三段。共長五十八丈。乾隆四十年建修。五十九年補修。三官廟對過碎石隄工一段。長一百二十三丈。乾隆十八年建修。四十七年及嘉慶二年十八年補修。新河頭碎石隄工一段。長七十三丈。乾隆四十年建修。新河頭南裏石工一段。長五十丈。砌石五層。高六尺。乾隆四十年建修。五十六年及嘉慶二年十八年補修。土頂。元帝廟對過碎石隄工一段。長一百二十丈。乾隆三十七年建修。倘按原冊此下紀利運牘北碎石隄太平莊人家內碎石隄工一段。長二十丈。乾隆四十年建

江北運程

卷十八

修。四十六年補修。五聖堂南碎石隄工一段。長九十丈。乾隆四十年建修。四十七年拆修。嘉慶二年補修。土頂。又接連碎石隄工一段。長一百丈。乾隆十八年建修。嘉慶十八年拆修。鐵心埧臨運裏石工一段。長一百六十丈。砌石五層。高六尺。乾隆四十年建修。五十六年及嘉慶二年補修。土頂。五年間段修七丈。倘按原冊此下紀寺前娘娘廟碎石隄工一段。長二百五十丈。乾隆十八年建修。四十年拆修。五十六年補修。嘉慶二年十八年拆修。倘按原冊此下紀舊金縷牘南石工。官家河灘碎石隄工一段。長七千丈。乾隆三十六年建修。五十六年及嘉慶二年拆修。五年補修。十八年

拆修吳家坑北碎石隄一段長一百二十丈乾隆四十年建  
修五十年拆修五十六年補修又接連一段長一百丈乾隆十  
八年建修三十五年拆修嘉慶二年補修吳家坑碎石隄工一  
段長八十八丈乾隆四十三年建修五十九年拆修又接連一  
段長一百二十七丈乾隆四十三年建修五十九年拆修嘉慶  
二年補修李家樓後碎石隄工一段長八十二丈乾隆十八年  
建修三十六年拆修五十九年補修土頂嘉慶二年補修李家  
樓後迤北碎石隄工一段長八十四丈乾隆十七年建修三十  
六年五十九年拆修嘉慶二年補修馮家埧裏石工一段長一

江北運糧

卷十八

四

百八十七丈砌石五層高六尺乾隆四十年建修五十九年及  
嘉慶十八年補修土頂馮家埧迤北起至季家路口止碎石隄  
工一段長七百二十丈乾隆四十年建修嘉慶十八年拆修又  
接連一段長二百三十丈乾隆四十年建修五十年拆修嘉慶  
三年拆修十八年補修二十三年拆修季家路口碎石工頭起  
至傅家橋口北止碎石隄工一段長一千五十丈乾隆四十二  
年建修五十年拆修嘉慶四年擇修五百二十丈十八年拆修  
二十三年補修運河西岸倘按原冊西岸首敘長溝埧工  
及寺前牖上下接雁翅石工閻家  
門前河面防風埧工一段長三十七丈五尺寬一丈高九尺小

元帝廟前河面防風埽工一段長三十五丈寬一丈高九尺按

原冊此下紀利運丁家灣河面防風埽工一段長五十六丈寬

八尺高八尺按原冊此下紀南關帝廟前下涵洞一座金門

口寬一丈砌石十層高一丈二尺乾隆二十五年建修嘉慶五

年改建單牖加高二層共高一丈四尺四寸出水濟運引渠一

道共長六百七十六丈關帝廟前上涵洞一座金門口寬一丈

砌石十層高一丈二尺乾隆二十五年建修四十八年改建單

牖加高二層共高一丈四尺四寸出水濟運引渠一道共長六

百四十五丈傅家單牖一座金門口寬一丈四尺砌石十二層

江北運程 卷十八

五

高一丈四尺四寸嘉慶二十四年添建引渠一道共長八百六

十五丈張公奏議嘉祥縣河道北自汶上縣孫村交界起南至

鉅野縣小長溝池北交界止計長十六里轉漕衡湘筆記王子

十月二十三日過孫村後申正過東岸利運牖及西岸傅家單

牖見蜀山湖水高於運河運河之水高於南旺湖西望南旺湖

寒水清淺一目千頃殘陽入崦暮景蒼涼山光遠近樹色淺深

宛然若接

六里跨河寺前鋪牖嘉祥

漕運紀程寺前牖在通濟牖北三十五里明正德元年建牖下



月河一道。東鄰蜀山湖。放水有金綫牐。補按金綫牐自乾隆二

改屬汶上縣丞。今稱此爲舊金綫牐。詳卷十七。蜀西鄰南旺湖。十五年移建柳林牐。北

山湖條下。運河廳冊又據廳冊利運牐當列於此。

放水有十字河斗門。牐官一員。牐夫二十六名。溜夫二十一名。

山東運河備覽。由通濟牐三十里。備考作三十五里。至寺前牐。寺前牐

舊名棠林牐。明正德元年建。東岸爲汶上境。西岸爲嘉祥境。明

武宗實錄。正德元年。添設袁家口寺前鋪二牐。以地在南旺之

南。開河之北。地勢高下懸絕。至春末。水淺膠舟漕運阻滯。故也。

運河廳冊。寺前牐一座。金門口寬二丈。砌石十五層。高一丈八

尺。明正德元年建。乾隆二十二年重修。接東雁翅下裏頭長十

江北運程

卷十八

丈。接西雁翅下裏頭長十丈。共長二十丈。砌石十四層。高一丈

六尺八寸。乾隆二十二年建。修嘉慶十六年補。修牐官一員。牐

夫二十六名。專司啟閉。東岸牐下裏石工一段。長十五丈。砌石

七層。高八尺四寸。乾隆二十四年建。修牐下碎石隄工一段。長

四十丈。乾隆十八年建。修三十四年拆。修寺前牐人家南頭裏

石工一段。長一百八十丈。砌石五層。高六尺。乾隆四十年建。修

五十六年及嘉慶十八年。俱經補。修土頂。西岸寺前牐下接雁

翅裏石工一段。長十七丈六尺。砌石七層。高八尺四寸。乾隆二

十四年建。修牐上接雁翅裏石工一段。長二十一丈。砌石九層。

高一丈八寸。乾隆四十年建修。寺前牖上小土地廟單牖一座。金門口寬一丈二尺。砌石十層。高一丈二尺。乾隆三十五年建修。嘉慶二十五年補修。運河水弱。出水濟運。河水盛漲。收納入湖。引渠一道。長七百丈。東岸舊金綫牖。南臨運隄。工一段。原長一百丈。內挑水草埧第一道。上水長一丈。下水長二丈。面寬三丈。靠隄寬五丈。高一丈二尺。舊金綫牖池。南裏石工一段。長一百丈。砌石五層。高六尺。乾隆四十年建修。五十六年五十九年。及嘉慶七年十八年。俱經補修。土頂舊金綫牖北碎石隄。工一段。長四十四丈。乾隆十七年建修。三十四年拆修。五十六年五

江北運程

卷十八

七

十九年補修。西岸南旺湖一區。周圍九十三里。十字河斗門一座。向係收水入湖。近年情形。無藉於此。四省運河圖說。寺前牖宜嚴謹。毋使水多南下。致北運不足。居濟一得。寺前牖最宜嚴謹。蓋南旺之水。南行最順。此牖一不嚴謹。則水洩於南者太多。北運勢必淺阻。此一定之理也。若逢天旱之年。汶水不足。濟運開利。運牖以濟北運。則此牖尤爲緊要。此牖旣嚴。而南旺上下二牖。開河牖俱不下板。水始可以通行北注。乙酉初夏。汶河水微不能濟運。已經用此法以濟北運。甚覺有益。故附志於此。予相度形勢。特以此牖爲界水第二牖。蓋柳林啟板放船。專恃此

牐嚴謹。下板堵水。使不南行。若此牐下板或少。或板不嚴謹。則水之南洩太多。不惟濟甯以南民田被淹。而北運反苦無水矣。故以此牐爲界水第二牐。亦以堵水之南行也。又寺前鋪牐不可多開。啟板太勤。則洩水必多。牐下糧船必積二百餘隻。足滿一塘。方可啟板。牐板一啟。卽速過船。船過完。卽速閉板。則水之所洩必少矣。又寺前鋪牐宜下板十八塊。蓋板須多下。則水不大洩。如牐上水大。則令由盛進口張箱口入南旺湖以蓄之。務使水足濟運而止。水大則宜加板。草塞席貼。毋使洩水。乃妙查。此牐最關緊要。蓋南洩太多。則水之北行者少矣。全漕運道圖。

江北運程

卷十八

八

嘉祥縣寺前牐。己亥向。自南旺上牐至此十二里。恂按萬里雲程。以此爲第二十五牐。居濟一得宜於寺前鋪牐作中界水牐。使泗水不得北行。汶水不得南行。則汶泗各有專濟之功矣。此牐亦宜下板十八塊。積水使由焦鸞口盛進口張箱口入南旺湖蓄以待用。

國朝吳敬疏查運河廳寺前牐至通濟牐塘長三十里長溝池北地勢建碇一經啟板水卽直瀉每致淺涸現飭於各淺處築草埧以資關束恂按此奏在嘉慶十二年四月

八里。

右岸

大長溝。

嘉祥

恂按卽獲麟渡也。張公奏議獲麟渡。在嘉祥縣境漕河傍地名。

大長溝。上有坊。云獲麟古渡。輿程記火頭灣。而北十里曰小長溝。又六里曰大長溝。又五里而至寺前牖。云運河廳冊長溝。渡口南河面防風埽工一段。長二十九丈八尺。寬八尺。高九尺。長溝。渡口南接連河面防風埽工一段。長二十三丈五尺。寬一丈。高八尺。明實錄宣宗宣德四年正月。平江伯陳瑄言。自長溝至棗林牖一百二十里。沙土淤淺。漕舟難行。今凍漸解。餽運將興。約計用十二萬人疏濬。半月可成。命山東起集民兵。與今運木軍士相兼用工。山東全河備考馮家埧在大長溝。萬曆十七年。建長十餘丈。係蜀山湖之門戶。地卑而水易洩。故築石埧以障

江北運程

卷十八

九

之水大則洩入馬場湖。不至病民。水小則蓄以濟運。實爲要區。居濟一得宜於大長溝。擺渡口建石牖一座。以界泗水。使泗水不得北行。則以泗河之水專濟南運。而濟甯一帶運河可無淺阻之患矣。此牖亦宜下板十八塊。積水使由十字河入南旺湖中。山東運河備覽馮家埧在大長溝。舊時石埧之上另有土埧。今已將此埧堵截。不復過水。而馬場湖則專收府河之水。濟運。故居濟一得。每謂宜於長溝開一泗水口。以濟南運。蓋以長溝在上流。運河在下流。故也。第馬場湖亦在下流。欲逆挽至長溝。入運勢不能也。又居濟一得。元人分水於濟甯。亦未審乎地勢。

之宜也。濟甯北高而南下。故水之南行也。易而北行也。難。雖天井牖去分水口僅數丈。而開河牖去分水口一百餘里。然究之。南水每有餘。而北水常不足。故南旺每有淺阻。宋禮聽白英之計。改分水口於南旺。其制善矣。但止言汶水而不及泗水。亦未爲法之盡善也。雖泗水蓄之馬場湖中。亦由安居牖十里鋪入。運。不知運河水大而馬場湖亦大。運河水小而馬場湖亦小。究歸無用。蓋因府河淤塞水不大通也。况安居牖十里牖猶是當年之舊牖。當年馬場湖受蜀山湖之水。故宜由此入運。今馬場湖不受蜀山湖之水而受泗河之水矣。故今馬場湖之水不宜江北運程。

卷十八

十

由安居牖十里鋪入運。而宜於獲麟古渡建牖一座。使泗河之水由此入運。則以泗河之水合諸泉水以濟南運。而以汶河之水專濟北運。則北運自無淺阻之患矣。或曰安居十里二牖亦可以入運。何必又改於獲麟古渡。不知安居十里二牖地勢最下。不足以敵汶水。獲麟古渡在通濟牖之上。泗水若由此入運。便足以敵汶水。使汶水不致南洩。又何有不足之患乎。按地勢北高而南下。安居十里在南。河底尙卑。故馬場湖水可以入運。獲麟古渡在北。河底已高。馬場湖水引至此處。不能更高於運河之水。出以濟運。非必前人尙有遺慮也。今金綫牖已移建柳

林之上。惟有嚴閉柳林。開金綫牖專濟北運。馬場湖水令由白嘴下注。再啟南旺雙涵洞水以助之。如糧船已過南旺。并嚴閉寺前。使利運之水亦往北行。則南北俱得接濟矣。

四里。小長溝。嘉祥 鉅野在嘉祥縣城東北。

漕運紀程。鉅嘉主簿兼管嘉祥縣隄。東岸自觀音嘴至金綫

牖北。有板工五段。共長一千九百一十四丈。雍正六年修。又蜀

山湖隄有土工一千九百五十六丈。雍正九年修。又蜀山湖內

有馮家滾水埧。向引蜀山湖水滾入馬場湖收蓄濟運。今廢。西

岸自大長溝大王廟北至太平莊對過。有土工四段。共長二百

江北運程 卷十八

七

二十二丈。又南旺隄有土工三千三百七十六丈。俱雍正九年

修。

一統志嘉祥縣在濟甯州西五十里。東西距三十五里。南北距

七十五里。東至濟甯州界十里。西至鉅野縣界二十五里。南至

金鄉縣界五十里。北至汶上縣界二十五里。東南至魚臺縣治

一百十里。西南至曹州府城武縣治一百里。東北至汶上縣治

九十里。西北至曹州府鄆城縣治九十里。古大野地。秦屬碭郡。

漢為任城鉅野二縣地。晉宋屬高平郡。唐屬東平郡。金皇統中。

析置嘉祥縣。屬濟州。元屬東平路。至元三年還屬濟州。明洪武

四年屬濟甯府。十八年降府爲州。屬兗州府。本朝因之。雍正二年分隸濟甯州。八年改屬曹州。十三年仍屬兗州府。乾隆四十一年改屬濟甯州。圖志嘉祥縣簡。東至州五十里。蒼叢嘉祥縣治。在運河西二十五里。南接鉅野大長溝。北至汶上界首。長十八里。淺鋪四石隄十里。北有舊黃河。南有澹臺河。亦黃河支流也。又有桓公溝。自鉅野縣入。再入魚臺。又有浴河。明正德中。疏通舊址三十餘里。以洩水。民賴之。今淤。一統志嘉祥縣城。周四里。門五。濠廣里許。創自金皇統間。明成化初改築。崇禎間。毀以石。本朝康熙中修。山東通志嘉祥縣城。本鉅野縣地。金皇

江北運程

卷十八

七

統中置縣。初治山口鎮。按在今縣城西二十五里。大定十五年遷今治。始

築土城。明成化三年知縣趙瑄重修。周四里。高一丈五尺。厚一

丈。東北跨萌山。池自城南轉曲而西。僅長里許。門四。東曰瞻魯。

西曰獲麟。南曰南武。北曰鳳城。復於儒學前開一門。曰采芹。崇

禎間。東兗兵備道陸夢龍檄修。始砌以石。方輿紀要嘉祥縣。會

通河在縣西二十五里。其東岸卽濟甯州界也。一統志嘉祥故

城在嘉祥縣西二十五里。卽宋鉅野縣之山口鎮。金人置縣於

此。相傳魯哀公時獲麟處。因名嘉祥。正隆初縣圯於水。徙治橫

山之南。大定十五年。又徙萌山之下。卽今治也。新輔治河書。鉅

嘉主簿駐長溝。北河續記鉅野縣主簿帶管嘉祥河道。鉅野河道南接濟甯火頭灣起。北接嘉祥大長溝止。共二十五里。又大長溝起北接汶上界首止。共十八里。屬嘉祥。行水金鑑。山東通志。嘉祥縣。河之西二十五里岸。北自汶上之界首。南至鉅野之大長溝。一十八里。原係濟甯左衛。景泰元年。衛調於臨清。嘉祥代之。隄岸用石修砌一十里。置淺鋪四。孫村淺寺前淺十。字河淺大長溝淺。運河廳冊。嘉祥縣汛管河主簿。係鉅野縣主簿兼管。專司修防。所管河道。南自鉅野縣交界起。北至汶上縣交界止。計長十六里。運河東岸官隄共十段。共長一千七百九十六丈。西岸官隄共

江北運程 卷十八

十段。共長九百九十八丈。

陶按廳冊所載餘工詳本卷首并分紀各條下。

山東通志嘉

祥形勝。倚萌山而結宇。匯澹水以歸湖。巖壑幽深。井疆膏衍。

國朝柏春嘉祥道中驟雨詩。疾風捲樹見山城。疲馬猶追赤日行。白雨斜飛雲未到。驚雷遠去電猶明。回看泰嶽迷煙靄。已挽天河洗甲兵。一霎長途開霽色。頓銷炎暑鐵衣輕。

右自孫村起至小長溝會通河行嘉祥縣境。計程十八里。

下入鉅野縣界。陶按漕運全書。嘉祥縣險隘處所凡十八。

東岸曰李家樓。曰吳家坑。曰舊金錢牖。曰娘娘廟。曰寺前。

牖。曰利運牖。曰鐵心埧。曰觀音嘴。以上八處惟寺前牖兼東西餘俱東岸。西

岸曰大長溝。曰大王廟。曰趙家場。十河。曰涵洞。曰單牖。曰



關帝廟曰太平莊曰小元帝廟曰大元帝廟曰丁家灣又按

河防志嘉祥縣河道北自汶上縣孫村交界起南至鉅野縣小長溝迤北交界止計長十六里較水程細數單縮二

里萬里雲程小孫村六里寺前鋪牖八里大長溝六里小長溝計自小孫村至小長溝共二十里較水程細數單贏

二里又按河程記由鉅野而北其縣為嘉祥有減水牖六頃一淺四日大長溝曰十字河曰寺前曰孫村

會通河經鉅野縣自小長溝上接嘉祥縣入境起

漕運紀程鉅嘉主簿一員該管鉅野縣河道南自曹井橋濟甯

衛界起北至小長溝嘉祥縣界止計長二十五里鉅野汛淺鋪

五曰小橋口牛所鋪梁家淺石羊鋪黃沙淺額設淺夫八十三

名雍正五年新改河兵十七名張公奏議鉅野縣河道北自嘉

江北運程 卷十八 古

祥縣大長溝池南交界起南至濟甯衛曹井橋迤北交界止計

長二十五里內有通濟牖一座

八里右岸鉅野白嘴鋪

轉漕衡湘筆記王子十月二十四日辰初過白嘴鋪岸東見馬

場湖已冰岸西南旺湖尾寒流多洄時有荒蘆點綴平灘居濟

一得白嘴宜建牖一座使馬場湖水由此入運則不致一洩無

餘蓋此處宜與通濟牖相照應如通濟牖下板須使馬場湖水

灌滿運河然後送會牌到寺前鋪使寺前鋪啟板則南旺之水

不致大洩於南矣山東運河備覽由通濟牖至寺前牖東岸石

廂三曰民便廂利通廂金綫廂民便在白嘴稍南對岸與馬場湖隄相近洩五羊坡水入運金綫廂於乾隆二十五年移建柳林之北居濟一得白嘴宜建廂一座使馬場湖之水由此入運則不至一洩無餘按乾隆三十九年將民便廂圈入馬場湖內不煩建廂而水自從此入運西岸口門一曰十字河洩運河異漲入湖今久廢涵洞二曰關帝廟雙涵洞乾隆二十四年建按乾隆三十九年開埧之始汶水微弱不能南北灌注因閉寺前柳林二廂使汶水專往北行而啟雙涵洞并空傅家祠隄岸俾分往南行頗得其益運河廳冊東岸白嘴迤南單廂一座金門口寬一丈二尺砌石十二層高一丈四尺四寸乾隆三十九年建修係出馬場湖水濟運單廂引渠一道共長七百三十七丈十里跨野通濟廂在鉅野縣城東北

江北運程

卷十八

五

水程細數單通濟廂有汛卽虎翅灣漕運紀程通濟廂明萬曆十六年建恂按詳卷十三永通廂條下在天井廂北三十里廂下月河一道

廂官一員廂夫二十八名溜夫二十三名五分運河廳冊通濟廂一座金門口寬二丈砌石二十層高二丈四尺明洪武十四年建乾隆十八年重修嘉慶二十四年拆修廂官一員廂夫二十八名專司啟閉東岸廂下接裹頭舊有窄狹緯道一段原長

十丈。乾隆二十四年改建。裏石高八尺四寸。查該工高崖陡峻。重運經臨。上牯緯挽最要之區。經歷年久。每逢汛漲。急溜直趨。淘刷底根。空虛通身坍塌。若照舊補修。難以屹立。須改建面石。加高三層。與牯下雁翅裏頭一律順勢。俾資護衛。以利緯挽。砌石十層。高一丈二尺。嘉慶二十四年改建。牯上接連裏頭尾起。單薄土隄。修做河面防風埽工一段。長五十丈。寬一丈二尺。高一丈五尺。嘉慶二十四年修建。西岸牯下接裏頭。舊有緯道一段。長十五丈。乾隆二十四年添建裏石。高八尺四寸。查該工係重運偃窩挽拽要區。經歷年久。汛水漲發。淘刷坍塌。難以緯挽。

江北運程

卷十八

六

須改建面石。加高四層。方資穩固。以利運行。砌石十一層。高一丈三尺二寸。嘉慶二十四年改建。四省運河圖說。通濟牯宜下板十八塊。寺前牯啟板。此牯閉板。全漕運道圖。鉅野縣通濟牯子午向。嘉祥縣寺前牯。至此三十里。轉漕衡湘。筆記是日。已刻下通濟牯。牯水溜。輿程記安居牯。又五里曰耐牢牯。又十里曰火頭灣。卽通濟牯也。居濟一得通濟牯。舊例下板十二塊。但牯夫利於少下。故牯之上下。每有阻滯。須時爲稽查。使板全下。則運艘自可通行矣。船少時。自當一塘灌一塘。若濟甯以南一帶。船多。須天井牯過四塘。或五塘。此牯始放一塘。則水不妄洩。上

下自無淺阻之虞。若上下水勢足用。又不必儘塘灌放。耽延時日。須一塘約過二百隻。可滿寺前牖一塘足矣。予斟酌南北之宜。專以此牖爲界水第三牖。蓋寺前牖啟板放船。則此牖之板嚴下水。自不至於南洩也。此牖宜下板十八塊。方能蓄水。而牖板又不宜多啟。或三日一啟。或二日一啟。必不得已一日一啟。斷不可一日二三次啟板。以致洩水太甚。啟板後。船一過完。卽速下板。會牌不可早送。必俟次日方可送到寺前鋪牖。使馬場湖水必由白嘴入運河。將通濟牖上一塘灌滿。然後啟寺前鋪牖。則上源之水不致多洩。而南旺上下不致淺阻矣。恂按萬里

江北運程

卷十八

七

雲程以此爲第二十六牖。並云俗呼爲河頭灣牖。

國朝葉觀潮疏。運河廳鉅野縣通濟牖一座。北距寺前牖三十里。南距天井牖三十里。塘長路遠。地勢建瓴。每逢重空糧艘。經臨隨時啟閉。濟送漕行。實爲運河南路最要關鍵。須牖身完固。方可操縱。由人其上下兩岸接連。牖工之處。非一律寬平。亦難奢護衛。而利緯挽。據運河道詳稱。該牖建自前明。至乾隆十八年。拆修迄今六十餘載。歷經汛漲奔騰。急溜衝擊。致牖牆酥。損底椿朽。腐金門由身轉角。雁翅裏頭。均皆巖裂。牖底衝淤。槽石破碎。通身滲漏。難以下板。擎蓄亟應徹底拆修。其牖下接連裏頭處。原建裏石礮岸。東長十丈。西長十五丈。久經汛漲刷塌。難以行竈。均應改建。而石並加高三四層。與裏頭相平。又牖上東岸接裏頭尾。起單薄土隄。坐當埭灣。迎溜屢被撞刷。搜淘懸崖陡峻。鋒挽維艱。該處內通民舍。外臨河身。土餒難以澆築。應添建防風埭工一段。長五十丈。護崖衛牖。兼利運行。由廳撥節減倍除。選用舊料。所需料匠夫工。及築埭厚水共估。例幫價銀一萬五千五百五十六兩。零。轉請奏辦。臣查通濟牖年久未修。牆石墊卸。上今兩年。卽

係擺砌均振暫資啟閉臣昨復親勘係必應拆修之工所估  
插下兩岸改建面石加高插上東岸添建防風埽段亦屬順  
勢得宜必不可少其估需銀兩屢經駁減覈與漕規無浮懇  
准動撥司庫銀兩辦理拘按此奏在嘉慶二十四年五月十  
一日時任東河疏入照崔并  
限於明歲春前修築竣工

一統志鉅野縣在曹州府東一百四十里東西距一百十五里

南北距七十里東至兗州府嘉祥縣界二十五里西至荷澤縣

界九十里南至城武縣界五十里北至鄆城縣界二十里東南

至兗州府金鄉縣治一百里西南至城武縣治九十五里東北

至兗州府汶上縣治一百五十里西北至鄆城縣治六十里再

貢大野地漢置鉅野縣屬山陽郡晉屬高平國劉宋屬高平郡

### 江北運程

#### 卷十八

五

後魏屬任城縣北齊廢隋開皇十六年復置屬東平郡唐武德

四年爲麟州治五年州廢縣屬戴州貞觀十七年戴州廢復屬

鄆州五代周廣順二年改置濟州宋亦爲濟州治屬京東西路

金天德二年徙州治任城縣廢元至元六年復置爲濟州治亦

嘗爲濟甯路治明洪武初縣屬濟甯府十八年屬兗州府濟甯

州本朝雍正二年分屬濟甯州八年改屬曹州十三年升州

爲府仍隸焉圖志鉅野縣疲難西至府一百四十里有合蔡一

鎮蓋鉅野縣在濟甯州西一百里縣治在運河西八十里南

自濟甯火頭灣北至嘉祥大長溝長二十五里凡五淺石隄十

二里。上有蓬子山。障大薛湖水。西有舊黃河。自張秋決塞。此渠不通。西有濟水。自定陶入。北入鄆城。南有高水。卽濟水分流。亦名泗水。北有鉅野澤。亦曰巨澤。南北三百里。東西百餘里。亦曰大野。禹貢大野既豬。自隋以後。濟流枯竭。鉅野漸微。五代時。河南徙。復匯於此。連南旺。蜀山諸湖。方數百里。元末爲河所決。河徙。涸爲平陸。一統志鉅野縣城。周六里有奇。門四。池廣一丈。有奇。明成化四年築。城外有隄。明正德中築。運河在鉅野縣東。北。南自濟甯州之火頭灣。北至大長溝。河岸長二十五里。山東通志。鉅野縣城。漢置縣。土城故址。周九里。明正德中。知縣余守觀縮西北二面。就東南建城。周五里。高一丈五尺。厚一丈三尺。池闊一丈有奇。深七尺。門四。東曰凝和。西曰遂昌。南曰延熙。北曰拱德。護城有隄。隄高一丈。闊稱之。方輿紀要。鉅野縣會通河在縣東八十里。東岸與濟甯州分界。一統志鉅野故城。在今鉅野縣南。舊志。元至正八年。濟甯路當河水之衝。徙路於濟州。徙鉅野於城北。邢家務。蓋卽今縣治。又鉅野澤在鉅野縣北五里。亦曰巨澤。濟水故瀆所入也。禹貢大野既豬。周禮職方氏。數曰大野。左傳哀公十四年春。西狩于大野。杜預注。大野在高平鉅野縣東北。大澤是也。爾雅十藪。魯有大野。水經注。鉅野湖澤廣

大南通洙泗。北連清濟。舊縣城正在澤中。行東北出爲大野矣。昔西狩獲麟於是處也。寰宇記。南北三百里。東西百餘里。一名大野澤。縣志。五代以後。河水南徙。匯於鉅野。連南旺。蜀山諸湖。方數百里。至元末。爲河水所決。遂涸。行水金鑑。山東通志。鉅野縣河之西八十里岸。北自嘉祥之大長溝。南至火頭灣。二十五里。原係濟甯左衛。景泰元年。衛調於臨清。鉅野代之。隄岸用石修砌。一十二里。置淺鋪五。小長溝淺黃沙灣淺白嘴兒淺梁家口淺火頭灣淺運河廳冊。鉅野縣管河主簿一員。本管淺夫九十一名半。內除協濟禹王臺塹夫一名。實存夫九十名半。專司修防。河道南自濟甯衛交界起。北至嘉祥縣交界止。長二十五里。運河東岸官隄共十八段。共長二千七百七十六丈。西岸官隄共十五段。共長一千五百六十五丈。山東通志。鉅野形勝平蕪曠渺。史稱魯狩西郊。衆水淪連。書紀禹濬大野。

江北運程

卷十八

三

宋文天祥新濟州詩借問新濟州徐鄆兄弟國昔爲大河南今爲大河北垂雲陰萬里平原望不極百草盡枯死黃花自秋邑時時見桑柘青雜阡陌陌上無行人煙火渺蕭瑟車轍紛縱橫過者臨歧泣積潦流交衢霜蹄破叢棘江南寒未深銅鑪獸花赤焉知行路者鐵冷衣裳溼通志注新濟州今鉅野元貢奎濟州詩舊濟知何處新城又作州危橋東去驛高堰北行舟市雜荆門客河分克泗流入煙多似簇聒耳厭喧嗽余闕賦得鉅野澤送宋顯夫僉事之南山隄上柳沈沈春蒲泛渚禽濟田東匯闕汶水北流深落日依中沚浮雲積太陰微茫看不盡渾似別時心

五里。石岸曹井橋。濟甯

山東通志濟甯州曹井橋。在城西十八里。漕運紀程鉅嘉主簿

該管鉅野縣隄。東岸自牛所鋪對過至黃沙淺。有土工六段。

共長七百八十六丈。雍正九年加修。西岸有蓬子山埧。接大薛

湖。在運河西岸。北接南旺湖。南接晉陽湖。明成化間。南旺湖水

漲入大薛。漫流晉陽。水退漕涸。僉事陳善築此埧以障之。自通

濟。插南至宋家坑。有土工七段。共長九百四十五丈。雍正七年

加修。

右自小長溝起至曹井橋。會通河行鉅野縣境。計程二十

江北運程

卷十八

三

三里。下入濟甯州界。恂按漕運全書。鉅野縣險隘處所凡

十五。曰通濟。插。又名裏所頭灣。東岸曰牛所鋪。曰民便。插。曰白嘴

灣。曰翟家路口。曰利水。插。曰朱家河灘。曰石羊鋪。曰伊家

路口。曰小長溝。西岸曰通濟。插。止涉山。曰小橋口。曰大埧。

曰楊家河灘。曰宗家坑。又按河防志。鉅野縣河道北自嘉祥縣。大長溝。池南。交界起。南至濟甯。甯曹井橋。池北。交界止。計長二十五里。較水程細數單

贏二里。萬里雲程。小長溝八里。白嘴八里。通濟。插。計自小長溝至通濟。插。共一百里。較水程細數單。縮七里。又按

河程。詎由濟甯而北。一百里至汶上縣之開河驛。其左為

鉅野。有插。曰通濟。距天井三十五里。明萬曆十六年。建

四年築淺。五日火頭灣。曰梁家

口。曰白嘴兒。曰小長溝。曰黃沙



濟甯州境水櫃有馬場湖

明會典馬場湖周圍四十里。舊有隄壞與運河相通。河水稍盈。卽洩入湖。每致淺涸。嘉靖十四年築隄長六十里。內外各植柳以護之。更置減水牐五座。運河易盈。湖水亦有蓄洩。問水集馬場坡湖。與運河相通。舊有隄風浪衝壞。運河水稍盈。卽洩入湖。而湖廣

幾二十里。運河安得免淺涸耶。嘉靖十四年冬。委屬役夫爲築隄六十里。內外各植柳以護之。更置減水五牐。運河之水易盈。湖之水蓄洩有備矣。居濟一得蜀山湖之水。由馮家滾水填入馬場湖。故於五里營建束水隄一道。以蓄水。又建減水牐一座。

江北運程

卷十八

三

以洩水。又於十里鋪安居各建減水牐一座。以備蓄洩。此古制也。自馮家滾水埧堵築。開五里營隄口。馬場湖乃不受蜀山湖之水。而受府河之水矣。府河卽泗河也。旣引泗河之水入馬場湖。自應於馬場湖內開河一道。於長溝開一泗河口。放水濟運。如南旺汶河口之制。則泗水始有用矣。以泗水濟南運。以汶水濟北運。北運之水自無不足之患矣。馬場湖永受洸泗二河之水。蓄以濟運。最關緊要。原額七百三十餘頃。載明濟甯州誌。山東運河備覽。馬場湖周圍四十里三分。濟甯州志周圍六十里。舊承蜀山有餘之水。由馮家埧入湖。今堵築馮家埧。東承泗沂府洸之水。

入運。全河備考。濟甯之西湖曰馬場。又名任湖。在漕渠北岸。上受蜀山湖水。北岸爲減水牖三。卽五里營十里鋪安居牖是也。東岸爲隄一道。長一千六百餘丈。湖之西口爲馮家埧。按乾隆四年。自田宗智莊起。至火頭灣北運隄。增築圈隄二千五百七十九丈。五里營舊牖已廢。漕運紀程。濟甯衛該管水櫃。馬場湖在運河北岸。周迴四十里。有十里安居二斗門放水濟運。雍正九年。加修湖隄。長三千三百九十二丈。又增修長七百八十六丈。一統志。馬場湖在濟甯州西十里。運河東岸。周四十里。洸泗二水所匯也。北接蜀山湖。西臨運河。有安居十里斗門二。以備

江北運程

卷十八

三

蓄洩。方輿紀要。馬場湖在州西十里。會通河北岸。本名馬常湖。舊與南旺蜀山二湖相接。故南旺亦兼馬常泊之名。漕河考。馬場湖。北接蜀山湖。蜀山之水時溢入焉。萬曆十七年。河臣潘季馴於湖北岸爲減水牖三。其東爲隄。西口爲埧。以時蓄洩。張公奏議。濟甯西湖。一曰馬場。又名任湖。在漕渠北岸。周圍四十里。上受蜀山之水。北岸爲減水牖三。卽五里營十里鋪安居鎮也。東爲隄一道。長一千六百餘丈。湖之西口爲馮家埧。萬曆十七年。建長十餘丈。係蜀山之門戶。地卑水易洩。故築石埧以障之。水大則洩入馬場湖。水小則蓄以濟運。有橋曰破石。跨於湖口。

四省運河圖說全漕運道圖說馬場湖周圍四十里三分收蓄  
府泲之水重運經臨由十里安居二斗門宣洩濟運定誌收水  
五尺五寸蓄水濟運篇馬場湖一名任湖泗水自金口埧分支  
入府河西北會泲水由夏家橋入湖每年冬月挑河將魯橋泗  
水口內橫築土埧並金口埧嚴閉牖板遏泗水悉注黑風口入  
府河收蓄湖內春夏需用之時由安居十里鋪兩斗門出水濟  
運按馬場湖本受汶河之水由蜀山湖東馮家埧滾入舊設三  
斗門放水入運五里營十里鋪安居鎮是也自泗水會泲入湖  
堵築馮家埧汶水不復滾入五里營牖已廢僅留十里安居兩  
江北運程

卷十八

十四

斗門此湖在南運之上流蓄水在湖一勺俱爲有用非甚旱暵  
兩牖不可輕開也河渠紀聞乾隆六年東省增築馬場湖圍隄  
蓄水濟運按全河備考濟甯之西湖曰馬場又名任湖在漕渠  
北岸周圍四十里東岸爲隄一道長一千六百餘丈湖西口爲  
馮家埧馬場舊承蜀山餘水由馮家埧入湖今堵築馮家埧東  
承泗沂泲之水入運北岸爲減水牖三卽五里營十里鋪安居  
牖是也至是自田莊起至北運隄增築圍隄三千五百七十餘  
丈以廣儲蓄居濟一得云十里鋪牖在五里營牖之上界在湖  
心開放則湖水一洩無餘五里營牖已廢安居牖亦不可輕開

皆以洩水太甚。守牖以爲之節。惟白嘴可開。必俟白嘴不能入。運方酌開安居。或運河水涸船阻。萬不得已。然後開放。亦必分渠以次漸開。蓋馬場淤久。蓄水不多。又乘建瓴之勢。一瀉無餘。故增築圈隄以厚其勢。而慎其宣洩也。

### 五派泉源。其一出於滋陽。

張公奏議滋陽縣東北新泉。

距縣東北五里出井家林莊地名東隅社渠長一里西流會闕黨泉

闕黨泉。

距縣東北四里古闕黨地其地人不滿百里不當道在城一闕因以爲名西流會古溝泉

元對泉。距縣

東北六里會入照星泉

照星泉。距縣東北五里半會入惠泉

惠泉。距縣東北五里半會入既濟泉

泉。距縣北五里長八十五步會入古溝泉

古溝泉。距縣北五里在玉皇廟西長一百五十步會入負瑕泉

負

### 江北運程

#### 卷十八

五

瑕泉。

距縣北五里當以古瑕邱得名長三十步會入蔣詡泉三廡泉。西流會闕黨泉。隋按會典明會典俱作負假泉。

義泉。

距縣東北四里在二義廟前長七十步二里會入負瑕泉上蔣詡泉。距縣北五里在紅花廠西地名紙房

長七十步西流會下蔣詡泉

下蔣詡泉。距縣北五里在紙房廠東長九十步南流會西北新泉

西北新

泉。

距縣西北五里在郡厲壇東長六步一里會入紙房頭泉紙房頭泉。距縣西四里在舊關東長九步三尺右流

轉南會驛後新泉

驛後新泉。距縣西二里渠長一里會諸泉至平政橋入濟又十五里至婁牖又二十里至杏林

牖二十里鋪爲濟甯州交界舊人天井牖今會入馬場湖濟運

疏流濟運篇滋陽縣十四泉。夫

三十六名三義泉。東北新泉。闕黨泉。元對泉。照星泉。惠泉。既濟泉。古

溝泉。並在縣北一里入泉爲一支

負瑕泉。上蔣詡泉。下蔣詡泉。西北新泉。紙

房泉。驛後新泉。並在縣西北半里許六泉爲一支

以上十四泉會流至郡城西

門平政橋西南入府河。循按會典言滋陽縣泉十四俱會濟山由濟甯入馬場湖出安居斗門入漕。

東運河備覽滋陽縣泉十有四其上泉曰關黨泉惠泉既濟泉

蔣詡上泉。俱在縣北一里驛後泉。城西北附郭。其中泉曰三義泉。縣東北附郭。照星

泉。縣北一里古溝泉。縣北一里。蔣詡下泉。縣北一里今按泉河廳冊作上蔣詡泉下蔣詡泉。西南

新泉。縣西北附郭。以上共十泉曰東北新泉元對泉負瑕泉紙房泉

則下泉也。今按泉河廳冊同又按十四泉俱歸府河由馬場湖入運

於曲阜

張公奏議曲阜縣。循按曲阜泉二十有八屬馬場派者縣北境六泉。埠下泉。距縣東北十五里出

句石橋村土中。西橫溝泉。距縣東北十六里出陶樂村南流二里入泗。新安泉。

江北運程 卷十八

距縣北二十五里出泉頭莊東。映安泉。距縣西北三十里出泉北土中西南流十五里入泗。頭莊土中西南流半里

會新安城北新開泉。距縣西北三十里去新安泉四里出柳莊泉入泗。村土中南流十三里入泗。循按會典作城北新

變巧泉。距縣西北三十五里出姚村南沙中西南流入泗。循按餘二十二泉詳卷十九魯橋派疏

流濟運篇曲阜縣北境六泉橫溝泉。在縣東北十六里。埠下泉。在縣東北十五

里。映安泉。新安泉。並在縣西北三十里。變巧泉。在縣西北十六里。城北新泉。在縣北

以上六泉俱南流入泗至金口埧分入府河。循按會典言橫溝等六泉俱匯

泗流至金口埧由濟甯入馬場湖出安居斗門入漕。山東運河備覽曲阜縣泉二十有九

其上泉曰遠泉。在縣東南三里。中泉曰兩觀泉。近遠泉。車輞泉。橋上泉。

俱在縣東。洙泗泉。新泉。曲水詠歸泉。浴沂泉。潺聲泉。今按泉河廳冊蒙上

南三里。

作浴沂濯纓泉俱在縣東城南新開泉 縣南通沂泉縣東南温

泉今按泉河廳册作温水泉 西陬泉連珠泉俱在縣東南十五里 映安泉新安泉在縣西北

三十以上共十有八泉其曰柳青泉雙泉茶泉曲溝泉文獻泉

近温泉黑虎泉橫溝泉城北新開泉變巧泉蜈蚣泉則皆下泉

也今按泉河廳册泉二十八浴沂濯纓并為一泉

### 於泗水

張公奏議泗水縣泉林寺諸泉若林距縣東五十里西珍珠酌突東黑虎淘米四泉俱出石縫中合流為泗

源備按酌突泉全河北流五步 酌突泉一步入 黑虎泉黑虎泉

一步入淘米泉備按全河備考黑虎 淘米泉一步會雪化泉 備考作豹突泉下同 珍珠泉入酌突泉

### 江北運程

#### 卷十八

三

作淘雪化泉出沙屯 備按會典明會典全河備考俱作雪花泉

西北半里會繁星等泉出石中 西南流白石泉出沙中

同出水口四里至下橋繁星泉五步入白石泉 二步入

蓮花蓮花泉出沙中 五步 雙睛泉出沙屯 備按會典作雙晶泉

亦在泉林寺龍王廟前甘露泉出沙中 西北流五甘露新泉出沙

中半步入西甘露泉出泥中 以上三泉在泉林寺龍王廟前

會潘坡等泉同出 一流分支西流半里會珍珠等泉又入

水口五里至下橋濤摩泉出沙中 在龍王廟西南流二十步入

全河備考云淘米泉即三水泉出石中 五步 响水泉出石中 十

柳音泉云即響水泉 醴橋泉出沙中 八步 涓涓泉出石中 一

分支南十步 紅石泉出石中 十步 新開泉出泥中 九步入琵琶

入紅石泉 入新開泉 泉又一新開泉在醴

橋泉紅石 琵琶泉。出泥中三步。天井泉。出泥中十五步。奎聚泉。出泥中二十二步。西奎聚泉。出泥中二十步。湧珠泉。出沙中。以上諸泉俱在龍王廟西

南一流分支源頭諸水南流一里會珍珠等泉。出泥中一里。併會潘坡等泉同出水口。五里至下橋。下莊泉。距縣正

東五十里在泉林寺龍王廟。前西北流二十步入三台泉。廟前西北流一里入潘坡

泉同出水口。下橋泉。出泥中在泉林寺龍王廟西南水西

五里至下橋。即驪珠泉距縣東五十里在潘坡村南出沙中北流十步入

波舊 膏湧泉。出沙中十步。留思泉。出沙中五步

泉。步入瑤泉。瑤泉。出沙中八步。留思泉。出沙中五步

石寶泉。出石中十步。石液泉。出石中七步。雙石縫泉。出石中五

新 潘坡新泉。即石露泉出沙中十步入石壑泉。出沙中。以

壑泉。按坡明會典作波。石壑泉。上諸泉一流

江北運程

卷十八

矣

分支皆在潘坡村南西北流四里會湧珠等泉同出水口。五里至

下橋。按下橋金大定十年建去縣四十五里地在泗源南社其

聚有三日石漏村曰下莊曰潘坡村自珍珠以下有繁星甘露

濤靡醴橋下莊下橋潘坡等各泉頭相距不出南社三聚五里

遠近俱入下橋會河。激雪泉。距縣東四十五里在石露村西北

下橋一里入泗河也。出沙中東北流二十步入小黃陰泉。小黃陰泉。

大黃陰泉。出沙中東北流二十步入小黃陰泉。小黃陰泉。

出沙中北流。吳老泉。距縣東北三十五里在小黃溝村東出沙

十里入泗。吳老泉。中西南流一里入變巧泉。按會典明會

典俱作。變巧泉。出沙中。西流十。大黃溝泉。出沙中。在大黃溝村

小黃溝泉。出泥中。在大黃溝村正東。西。小黃溝泉。出沙中。距

石井泉。出泥中。距縣東二十里在李家坡。西。社家泉。出沙中。距

北社西北流半里逕入泗。里家泉。即里老溝泉。距縣東十八里

半里逕入泗。循按會典作里。老溝泉。明會典作里。蔣家泉。距縣東十七里。在林泉村。南出石中。西北流一里。逕

入曹家泉。距縣東十五里。在東巖店東。出岳陵泉。距縣東北十

里。出泥中。西南四勝泉。距縣東十四里。在東巖店西南。出泥

流九里。逕入泗。中十步入趙家泉。循按四勝泉會典

作泗。趙家泉。出石中。水清可爨。黃花泉。出石中。十七

勝泉。趙家泉。十步入黃花泉。黃花泉。步入合德泉。合德泉。二

巨石在旁。明季鑿出。與趙家清德相合。故名。以上四泉。俱一

流分支。距縣東十四里。在東巖店西南。水西北流一里。入東巖

石縫等泉。下源合一。秦來泉。出泥中。三十一地震泉。出石中。五

股流一里。半入泗。步入地震泉。十一步入

東巖石縫泉。出高坡石中。九步入天津泉。出泥中。以上四

縣東十四里。在東巖店西。龜尾泉。出泥中。距縣東十二里。在李

南水西北流一里。半入泗。龜尾泉。家莊東北十四步。入龜陰泉。

龜陰泉。出沙中。二泉俱東。大鮑村泉。出石中。地名大鮑村。廕

北流二里。半入泗。泉。北流十步。入小鮑

村泉。循按會典。明會典俱作鮑村泉。地小鮑村泉。出石中。十一

名大鮑村。全河備考云。地名尚舒村。龍澤泉。出石中。十步。入

龍澤泉。東廕出小泉。出石中。十三步。入西廕出

典作東。西廕出小泉。出石中。以上五泉。一流分支。距城東八

里。俱在鮑村南。西北流六里。入泗。循按西

廕出小泉。會城。南珍珠泉。出高坡沙中。距縣東南五里。在

典作西。小泉。城。南。禮。前。莊。南。西。北。流。半。里。入。禮。泉。禮。泉。

出石中。距縣東南四里。半在禮前村南。禮前泉。距縣東南三里。

西北流三里。入禮前泉。六里。半入泗。出石中。在禮前

村。迤西北流。七里泉。出土中。距縣西三里。在湯家莊北。西北流

四里。入泗。七里泉。七里。入泗。循按會典。明會典俱作七里溝

泉。壁溝泉。距縣西十五里。在李白莊南。地名中冊社。南流十

里。入泗。循按會典。明會典全河備考。俱作壁溝泉。大

玉溝泉。距縣西南十二里。地名玉溝村。出土中。又出

平坡石縫中。北流三十六步。入小玉溝泉。

出土中。廕泉。流二十

一步。入西廕出小泉。西廕出小泉。出沙中。二十一步。入龍震

泉。循按會典。明會典俱作

江北運程 卷十八 堯



新開第 龍震泉。出沙中十五里。以上五泉一流。

二泉。步入珠澤泉。珠澤泉。出沙中。分夾在南玉溝村東北流。

八里馬莊泉。出土中距縣西北二十里。在馬莊村北西南流五里。入馬跑泉。會河三里。入魏莊泉。出水口十四里。

入馬跑泉。出沙中距縣西北二十五里。在柘溝村東水南流。魏莊泉。出土中距縣西北二十七里。在魏莊村東南源頭水。三角灣泉。出沙中距縣西三十里。在三角灣。

石縫中。距縣西南二十五里。在葫蘆套池。蘆城泉。出沙中距縣西三十里。在蘆城泉沙河九里。入泗。

東西流六里。入蘆城泉沙河九里。入泗。蘆城泉。出沙中距縣西三十里。在蘆城村東西北流十里。

入西巖石縫泉沙河七里。入泗。石河泉。出土中距縣北七里。在平地石縫中源頭水。微二里。入泗。

按邑志云。境內處處皆泉。堪

云。碁布星列。其中最勝者。為響水泉。鈞突泉。黑虎泉。潘坡泉。潘

江北運程

卷十八

坡新泉。紅石泉。淘米泉。雙晴泉。甘露泉。石縫泉。趙家泉。鮑村泉。

珍珠泉。玉溝泉。稱曰海岱名川云。脩按會典。無濤糜泉。地震泉。

志明會典。俱有龜眼泉。疏流濟運篇。泗水縣七十九泉。泉夫六。珍珠泉。豹

脩按奏。議作鈞突泉。黑虎泉。濤糜泉。雪花泉。五泉俱在

四源並出。是為泗水之源。泉在陪尾山下。陪尾之左。為漏澤湖。石穴相通。灌輸不匱。真靈源也。繁

星泉。白石泉。蓮花泉。雙晴泉。脩按奏。議作晴泉。龍王廟前。甘露泉。甘露

新泉。西甘露泉。三泉在龍王廟西南。淘米泉。三水泉。響水泉。音泉。醴橋泉。

涓涓泉。紅石泉。新開泉。琵琶泉。天井泉。奎聚泉。西奎聚泉。湧珠

泉。十二泉。統名寺。卞莊泉。三台泉。二泉在潘坡泉。卽灑膏湧泉。

前泉在寺南。

卞莊泉。

三台泉。

二泉在潘坡泉。

卽灑膏湧泉。

卽灑膏湧泉。

卽灑膏湧泉。

瑀泉留思泉石竇泉石液泉雙石縫泉潘坡新泉卽石石壑泉

九泉在寺西南下橋泉在寺西下橋南各泉並在縣東五十里以上三十六泉會流由下

橋出為泗河水合流吳家泉在縣東北四十五里大黃溝泉小黃溝泉變

巧泉並在縣東北三十里以上四泉西南流入泗岳陵泉在縣東北十七

石河泉在縣北五里壁溝泉在縣西北十五里以上三泉各流西南入泗馬

莊泉在縣西北三十里馬跑泉在縣西北二十五里魏莊泉在縣西北二十七里以上三泉

會流南入沙河轉入泗激雪泉大黃蔭泉小黃蔭泉並在縣東五十里三

泉為一支出以上三泉會流北入泗石井泉在縣東二十里杜家泉在縣東十九里

老溝泉在縣東十八里蔣家泉在縣東十七里曹家泉在縣東十五里以上五泉各流

江北運程

卷十八

西北入泗趙家泉黃花泉合德泉四勝泉並在縣西十四里泰來泉東

巖石縫泉並在縣東十二里旁有地震天津二小泉以上六泉會流北入泗龜眼泉

龜陰泉龜尾泉大鮑村泉小鮑村泉龍澤泉東蔭小泉西蔭小

泉並在縣東十里八泉為一支以上八泉會流西北入泗南珍珠泉醴泉醴

前泉並在縣東南四里三泉為一支以上三泉會流北入泗七里溝泉在縣西三里

北流入泗大玉溝泉小玉溝泉西蔭小泉珠澤泉並在縣西二里五泉為一

支以上五泉會流東北入泗西巖石縫泉廬城泉並在縣西南二十五里

以上二泉會流北入泗三角灣泉在縣西三十五里北流入泗徇按會典言泗

水縣泉七十八俱匯泗水由金口埧北入黑風口繞濟甯入馬場湖出安居斗門入漕又按通志載淘米泉復載濇廢泉故云

七十九泉會典不重錄  
濤糜故只七十八泉  
山東運河備覽泗水縣泉八十有二其

上泉曰大鮑村泉縣東八里小鮑村泉縣東八里龍澤泉縣東八里東巖石縫

泉縣東十里趙家泉縣東十里雙石縫泉縣東十里瑀泉縣東五十里今按泉河廳

冊作瑞泉西巖石縫泉縣西南二十里珍珠泉縣東十里趵突泉縣東十里黑虎

泉縣東十里濤糜泉縣東十里響水泉縣東十里其中泉曰蔭出西小

泉縣東八里城南珍珠泉縣南五里醴前泉縣南五里今按泉龜眼泉縣東

十五里龜陰泉縣東五里龜尾泉縣東五里曹家泉縣東六里溢津泉縣東

十六里蔣家泉縣東北十七里里老泉縣東北十八里石井泉縣東北十八里小黃陰泉

四十里大黃陰泉縣東南四十里石露新泉縣東南四十里激雪泉縣東南四十里石

江北運程 卷十八 三

液泉縣東十里石豆泉縣東五十里今按泉石壑泉縣東十里膏湯

泉縣東十里珠澤泉縣西南十二里豐潤泉縣西北十五里馬跑泉縣西北二十

雪花泉縣東十里甘露泉縣東十里甘露新泉縣東十里西甘露泉縣東

五十里淘米泉縣東十里涓涓泉縣東十里醴橋泉縣東十里東奎聚泉

縣東五里三水泉縣東五里涌珠泉縣東五里以上共四十五泉其曰

蔭出東小泉醴泉太來泉今按泉河廳合德泉四勝泉今按泉河廳

冊作勝泉天津泉杜家泉岳陵泉吳家泉今按泉河廳潘坡泉變巧

泉大黃溝泉小黃溝泉三角灣泉大玉溝泉小玉溝泉蘆城泉

壁溝泉馬莊泉位莊泉今按泉河廳石河泉新開一泉紅石泉

琵琶泉。新開二泉。天井泉。西奎聚泉。卞橋泉。卞莊泉。三台泉。石下泉。井邊泉。地震泉。近鮑泉。東窪泉。南玉泉。南壁泉。則皆下泉也。

今按泉河廳冊同

於甯陽之南。

張公奏議甯陽縣蛇眼泉。石口以泉孔如蛇眼故名在縣北門外迤東一里出土中東南流長半里

會三里溝等日淵泉。石口卽李家泉在縣北門外迤北三官廟後東南流長半里入古泉會入蛇眼泉

古泉。石口距縣北門外迤北一里東三里溝泉。土口在縣東門外迤北一里餘

出土中新磨小泉四舊磨泉井泉。石口在縣東門外迤北四十步出土中西南流長二十步

七南流長二里會蛇眼泉。距縣東南八里出劉家村土中磨泉二西

會蛇眼泉金馬莊泉。距縣東南八里出劉家村土中磨泉二西

江北運程 卷十八

微張家泉。土口在城東蒲莊村迤東十二里向西流八里按瀾會蛇眼入瀾河慶泉七以上諸泉俱入瀾河

河卽縣河。歷蛇眼諸泉水南流至府城北三十里入於沈卽歸

天井牖矣。古城泉。石口在城南十二里沙村莊出土中長五里西南流十二里會入滋陽縣漕河接濟天井

牖新電泉。距縣東北二十五里出劉家莊土中。旱則羅星泉在無水挑滂微津有二眼掘下源可入沈

東北三十五里出般家堂土中長十五里流入沈河去。土

汶五里以沙阻開入沈便。以上二泉前代久枯難濬柳泉。土

距縣西十里舊南流十五里入沈至嘉靖初沈水久涸柳泉南

入於沈者悉滲於沙不達於漕乃於沈河兩岸東西相對各立

一牖大雨時行則閉牖門以防其溢春冬水淺則啟牖門以達

其流東會蛇眼等泉瀾河合流悉至天井濟運迨明季依前南

流經城會諸泉以入瀾河。疏流濟運篇甯陽縣南境十一泉

北境四泉入汶合計共古泉。在縣北白淵泉。在縣城北門外蛇眼泉。在

十五泉泉夫六十谷

城北三里溝泉。在縣東北一里。新電泉。在縣東北二十五里。羅星泉。在縣東北三十五里。井

東門外張家泉。在縣東十五里。金馬莊泉。在縣東十五里。柳泉。在縣西十里。以上

十泉會流為灤河。南注滋陽之漕水。又西流會於洸。古城泉。在縣

南十南流入漕水。轉入洸。恂按會典音以上諸泉俱匯洸河由二里濟甯入馬場湖出安居斗門入漕。

山東運河備覽甯陽縣十有三泉。其上泉曰龍港溝泉。在縣東北五十里。

魯姑泉。在縣西北三十里。左從龍泉。在縣東北五里。右從龍泉。在縣東北五里。中泉

曰三里泉。在縣東北一里。張家泉。在縣東北八里。龍魚泉。在縣東北六十里。灤溝泉。在縣西北四十里。

以上共八泉。蛇眼泉。古泉。日淵泉。井泉。古城泉。則皆下泉也。今按

泉河廳冊內龍港溝左從龍右從龍龍魚四泉。曾姑灤溝二泉皆歸浹餘歸洸由馬場湖入運。

### 江北運程 卷十八

蓋

益之以濟甯之東。

張公奏議濟甯州浣筆泉。在州城東關外。去會通河不數武出土中一方池一圓池相傳為唐李白

浣筆處南流由通濟橋入運泉。疏流濟運篇濟甯州城東一泉上有二賢祠。祀賀知章李白。

浣筆泉。在州東關外。西流至通濟橋入運。恂按會典作洗筆泉云。山

東運河備覽濟甯州泉六。曰托基泉。蘆溝泉。為上泉。馬陵泉。南

馬泉。兩城泉。為中泉。浣筆泉。附會李白。無益於運。今按泉河廳冊同南馬馬

陵兩城蘆溝四泉由新挑河入運。托基由泗河入運。浣筆徑入運河。

凡百十有一泉。

恂按據通志數之。滋陽十四。曲阜六。泗水七十九。甯陽十一。濟

甯一計共一百一十一泉  
昔之天井派今之馬場派也。

川瀆異同山東泉分五派。泗水曲阜滋陽甯陽迤南四縣之泉俱入濟甯。關繫亦大。是爲天井派。張公奏議山東諸泉其派有五。其一出於滋陽於曲阜於泗水於甯陽之南。分流於沂沭濟泗而會歸於元之所爲會源牖者爲天井派。疏流濟運。簾五派出泉。向有分水天井魯橋沙河邳州之目。迨泗沭遏入馬場湖而天井宜改馬場。又五派泉源。一自泗水曲阜二縣會諸泉入泗。至金口埧遏流入府河。復受滋陽縣諸泉。至濟甯州境會沭。

江北運程

卷十八

三

河受甯陽縣南境諸泉西北入馬場湖蓄水濟運者爲馬場派。泗水由金口埧南下爲正派。今於上游遏注府河是以歸入馬場派仍互見魯橋派下。

恂按河防志言府

河一曰濟河。卽泗水之支河也。穿兗州府城西流至濟。舊由林家橋繞濟甯州城北。西入馬場湖。後因伏秋水大河小不能暢達。致有漫溢。於康熙三十四年開通楊家埧。建減水牖。以時啟閉。由天井牖入運河。泗河發源於陪尾山。與沂水合。西南流由金口埧至魯橋入運。沭河起自甯陽縣南。有兩道。一則上承九山口。諸處山水與滋陽縣之三岔河合流而南。一則汶水分流出甯陽縣之堰城埧。經滋陽縣之高吳橋。南流至八龍橋。兩道

會合由洸河大廠至州城北與府河合一南流入楊家埧一西

流入馬場湖。

以上河渠三道俱在運河東岸。

居濟一得言府河所以引泗水濟

運者也。舊例南旺大挑之後卽挑府河。近數十年來府河竟不

挑矣。故有淤至五六尺者。有淤至七八尺者。府河淤淺不能容

水。兩岸又無隄工。一經水發。兩岸民田盡被淹沒。故宜大加挑

浚。卽以挑河之土築兩岸隄工。則河旣寬深。卽能容水。而民田

不至淹沒也。然須從黑風口內卽大挑寬深。庶泗水之入府河

也易。不致由金口埧南泄矣。又言府河舊有丈餘深。年久淤墊。

深者不過二三尺。淺者不過數寸。以故泗河不能濟運。畢輔國

### 江北運程

#### 卷十八

美

原引泗水至濟甯濟運。今楊家埧旣堵。築泗河之水不由濟甯

入運。乃由濟甯北關入馬場湖。查馬場湖原受汶河之水。由蜀

山湖東馮家滾水埧而來者也。故今一大挑府河。並挑馮家埧

下至引河。仍將馮家埧建牖一座。又將馮家埧築隔隄一道。以

堵蜀山湖之水。却將馮家埧西開引河一道。使水由十字河北

入運。再將獲麟古渡建牖一座。

獲麟古渡卽今之大長溝。

山東金河備考言

金口埧在兗州府城東五里。元至元中爲滾水石埧。引泗入運。

卽隋文帝時薛胄於泗沂之交積石爲堰。決令西注陂澤以溉

良田者。延祐中疏爲三河。以洩水勢。明初堰埧以土旋築。旋廢。

成化間築石堰東西長五十丈。下闊三丈六尺。上闊二丈八尺。自地平石計五層。高七尺。湫口三處。視水消長。時其啟閉。橫巨石爲橋。以便往來。堰北復作分水二雁翅。以殺水勢。堰南北跌水石直五尺。橫四十丈。以固堰基。後歲久土淤。舊堰獨低。水消泗不入。洗每春築土。塼高一尺七寸。以障之。水漲土潰。勞費無益。嘉靖三十七年。主事陳南金易以石。高亦如之。仍爲金口三。添插板。以時啟閉。歲省前費。水亦賴以節宣。張純守塼。論畧曰。金口塼。以遏泗之南趨。牖以導泗之西流。蓋元人遺智也。夫泗之趨於南。猶汶之放於海。遏泗以金口。猶遏汶以戴村也。國初

江北運程

卷十八

三

塼因元舊。時圯。時修。勞費無已。成化中。主事張君盛始易以石。視昔善矣。然猶石之上。歲益以土。高可一二尺。土歲壞。則歲增之。迄嘉靖中。主事陳君南金以石易土。高亦如之。而制始大備。泗盛則勢突。而塼當其衝。甯無漸入圯壞者乎。果有之。則補葺之功。杜其微焉可也。苟且因循。俟旣壞而後修之。焦頭爛額之功也。泗消則微入。濟之勢緩矣。矧自黑風口而之府河。自府河而之濟河。凡幾十里。而至天井。水過沙積。甯無壅而未通者乎。果有之。則挑濬之功。或一歲而一見。或三歲而再見焉可也。廢之不講。而歸咎於天井之淺。是不揣其本之論也。其視張陳



二公何如人哉。萬曆二十五年大水衝決無遺。主事胡瓚重修。又居濟一得言。明臣劉珣金口堰記畧云。堰距兗州東五里許。以其障沂泗二水入金口。插西達濟甯。入會通河。因號今名。考之後魏及隋元以來。皆嘗修築。以通漕運。都之建不一。堰之興廢亦不一。太祖定鼎金陵。無事乎堰。太宗駐蹕北京。復通漕運。而堰多事矣。前此堰築以土。夏秋之交。波濤洶湧。卽圯無餘。萬夫之役。不貲之費。爲之蕩然。自禾樂以迄成化。朝廷雖數命官修固。卒莫能底定。歲庚寅。成化六年都水主事宜興張公克謙。祇承是任。乃曰。與其興廢以病民。孰若一勞而永逸。乃易土以石。自

### 江北運程

### 卷十八

三

地平石計五層。高七尺。湫口三處。視水之消長。時其啟閉。橫巨石爲橋。以便往來。愚按金口堰卽金口埧也。原障泗沂二水入金口。插西達濟甯。入會通河。自府河淤塞而二水不能濟運矣。今宜大挑府河。引水至長溝。入運。而汶河口移北十里。則南旺大挑旣易。而東昌一帶不至淺阻。夏鎮一帶不至湖河相連矣。此運河萬世之利也。又言金口埧。遇冬月挑河。熬埧之期。卽將此埧嚴閉。使泗河之水盡歸金口。插入馬場湖。濟運。又沂河之水。原合泗水。由黑風口入府河。濟運者也。數十年來。舊制不修。河失故道。沂河之水。不合泗水。入黑風口。竟由金口埧直趨魯

橋矣。今議照舊修理。使沂河之水合泗河之水。仍入黑風口。由府河濟運。庶水無旁洩。而於運道大有裨益。山東運河備覽言。府河係泗河分支。由兗郡黑風口分流入馬場湖。泗河源出泗水懸陪尾山。四泉并發。西流至兗州城東。又南流經橫河與沂水合。元時於兗州東門外五里金口作埧建牐。遏泗之南趨。夏秋水長。則啟牐放使南流。會沂水由堽里河出師莊牐。冬春水微。則閉牐。令由黑風口東經兗城入濟。又南流會德水至濟甯。出天井牐。金口埧在兗州城東五里。泗河經由適中之地。此處地勢最高。每逢異漲。下游宣洩爲難。且沂河會入泗河之處。泗

江北運程

卷十八

五

強沂弱。卽泛溢民田。下浸運河東岸。是以設牐箝束。自前五代北朝至元。延祐明成化嘉靖屢次修築。凡爲牐門者五。北卽黑風口。爲牐門者二。冬閉金口。導水入黑風口。西流府河。至馬場湖收蓄。以濟天井等八牐之運。若下游水淺。仍開金口。閉黑風。使南出魯橋。以濟棗林等八牐之運。一統志言。泲水汶水支流也。自甯陽縣東北堽城埧分流。西南逕甯陽縣西三里。又南流逕滋陽縣西南。又西南流至濟甯州界天井牐。入運河。甯陽縣志。元初於堽城左作斗門。遏汶水入泗。於是泲流始盛。至元六年。以奔流衝激。泥沙填淤。乃議濬之。自牐口至石刺以通其源。

又自石刺至高吳橋南。至王家道口。凡五十六里有奇。以達其流。而洸河復治。二十年。會通河開。北至奉符爲牖。以導汶水。盡入於洸。東會泗水。出於任城之會源牖。倘按任城今濟甯會源。今天井牖。而始

分明。永樂九年。又築堽城垣。以遏汶水。惟垣南官莊河入洸。洸

流始微。成化十一年。主事張盛復爲堽城石牖。稍分汶水支流

以入於洸。逕甯陽西南兩崖之間。有東西兩崖。以備蓄洩。南會

蛇眼諸泉。流入滋陽。於是洸水入漕之流。滔滔不絕矣。洸水在

曲阜縣北四里。泗水分流。陳鎬闕里志。今洸水與泗水不通。上

源在聖林之東。止一溝瀆。似古魯城之隍也。穿聖林而橫流過

### 江北運程

#### 卷十八

罕

聖墓前。出林復西南。流入於西沂。其故道不可考。按今洸水上源。旣不遠。而下流卽入西沂。與水經注故道迥殊。其分流之處。轉出泗水之南。亦與水經注南泗水注之說異。或以爲今之濟河。自府城東金口牖。分流貫城而西出。至濟甯州界。會洸水入運河。疑卽洸水故瀆。又以府城北二十里有沙河。三十里有漕河。九折而下。矯若游龍。亦名九龍灣。皆自甯陽縣流入。又西入洸。疑卽洸水枝津也。西沂水源。出曲阜縣東南尼山之麓。西北流。經曲阜縣南二里。又西流入滋陽縣境。至府城東。合於泗。按此沂水。齊乘謂爲西沂。其岱麓沂山出者。別見沂州府。灤河在

甯陽縣東南五里。匯東北蛇眼諸泉環城而流。卽今城河也。南流至滋陽入漕。西流同古城泉由高吳橋南入泲。明統志漕水

源發甯陽縣治東蛇眼泉。北流至府城北三十里入泲水。

續行水金

鑑今按灤河入運之流已涸。今山東河南全圖尙行繪入水道提綱注作遷河一統志亦載入其下游皆府泲也。河渠

紀聞言雍正元年大開府河引泗沂由金口埧入馬場湖蓄水

濟運。按兗州城東之府河泗河之分支也。由黑風口分流穿城

西流至濟。舊由林家橋繞濟甯州北入馬場湖。城東舊有埧曰

金口埧。之上西偏有牖。卽黑風口也。堰沂泗二水導入牖口。抵

府城東門。繞城南復折而北。經西門。會闕黨諸泉。西流七十里

### 江北運程

### 卷十八

望

抵濟甯東與泲合。出天井牖。蓋元人遺跡也。埧初築以土。隨築

隨毀。後易以石。年久失修。山水衝激。埧石圯頽。水瀾原野。田禾

盡淹。蓋利於漕者什一。而貽害民田不啻千百也。至是從張伯

行之請。亟爲濬治。明初築埧於戴村。遏汶水分流。汶不入泲。濟

甯之南。河漸衍。地漸平。分水亦甚微。不得不截沂泗以合流。居

濟一得云。沂河之水。原合泗水。由黑風口入府河。濟運數十年

來。舊制不修。有淤至五六尺及七八尺者。河淺不能容水。散漫

田間。失其故道。沂水遂不復合泗入黑風口。竟由金口埧下直

趨魯橋。應亟修復。大加挑濬。卽以挑土築兩岸隄堰。使水不由

金口埧南泄。引至長溝入運。汶河口移北十里。南旺大挑。旣易。牯河無慮淺阻。夏鎮一帶。亦不致湖河相連矣。此法常行。民運兼受其益。牛運震空山集言。黑風口一名金口牯。與金口埧一時並建。元至元中。開會通河。因隋薛曹舊堰。爲之隄土。以防其溢。東石以洩其流。其制壘石爲隄。下穿涵洞。形如陰溝。以時啟閉。泗水穿城濟運。俾不爲害。延祐四年。都水太監闕開。因舊洞歲久石摧。董工重修。改作二洞。節宣之宜。事乃大備。夫水之出於高者。其流暢而疾。水之出於卑者。其流平而細。其勢易見也。然高而暢疾者難收。卑而平細者易制。其勢又易見也。爲涵洞

江北運程

卷十八

壘

則利於束水。而啟閉之權在人。爲牯口則利於放水。而蓄洩之權在水。其勢尤易見也。夫牯以減水。其牯身必深。其牯口必寬。其牯板之用木。與涵洞之參用甃。其疏密堅脆相百也。查黑風口去郡城五里。其隄堰之巔。與城堞準較。猶高一尺三寸。由隄闕城如從高墉俯臨井底。而泗河之水。由陪尾山而來。挾山溪溝泉諸水。直瀉百里。遇夏秋泛漲。拍天駕岸。影沙礫石。洶洶動人心魄。郡城縮領州邑。壇社倉庫。集於斯。廬舍人民。庇於斯。萬一牯口不支。高屋建瓴之勢不足言也。萬衆之不爲魚者。幸耳。故爲涵洞安。爲板牯危。凡圖天下事。去安就危難。且石隄涵洞

之設幾千百年矣。歷唐宋元明凡數代。經河臣水司明達之士。凡數十人。而悉無以易之。匪惟不易之。又從而增修牢固之。彼豈不企更制創獨裁。殆亦有所見於此。深慮焉而不肯動爾。故曰。無始患。無變舊章。古人未必愚。而今人未必智。曩故未必失。而改作未必得。况水之利害。尤其一動而不可復收者哉。議者將曰。減水牐以殺水怒也。泗河之水分諸支河。則魯橋之下流不壅。魯橋不壅。則白馬之河不溢。而魚臺徐沛無汎浸之苦。愚以爲其說未盡也。夫泗水之利於分也。黑風口已得之矣。較之減水牐所分。特洪細之差爾。卽使爲牐嫁魯橋之害於府河。第少紆折遼緩之。其未流歸於魚臺徐沛。曾無所加損也。卽令爲魚臺徐沛計。已開衣架河。并濬魯橋河身。水之歸洩。不患無路。不必改黑風口爲減水牐。而後可以無害也。且兗城與魚臺徐沛。何分輕重。抑何厚薄。如使水之害。誠無所避矣。則魚臺徐沛受之。與移而兗城受之等耳。勢不得兗城代受災也。山東運河備覽言。按乾隆十四年。總河顧琮奏。泗河下流董家口。頻年被刷。應建滾水埧。減洩漫水。仍將衝成河形。順勢挑浚。直入白馬湖。其白馬湖淺窄之處。再加疏通。引入迤南。貫家灣。使歸獨山湖。是爲新泗河。又闢支河。自貫家灣西達魯橋。入運。三十七年。

江北運程

卷十八

聖

今河督姚公復以埧基過高。每遇水勢盛漲。宣洩不及。輒於董家埧池上漫及運河東坡。又甯陽縣石梁口小腿灣等處汶水漫堰入洸。至濟甯城北頂阻府河之水。亦多旁溢。東坡民田被淹。因將董家口石埧展寬。并浚孟家橋馬坡暢入尾閘。水小之年。卽於孟家橋築堰攔截。使由興隆橋入運。石梁口飭縣堵築。汶不入洸。以上諸書所紀各河隨時酌覈。或由天井入運。或由馬場入運。並或由魯橋入運之大畧也。河之所注泉。卽隨之。埧埧之關乎洸。洸馬場者在兗州府城東。有金口埧在濟甯州城東。有楊家廂。廂初亦爲埧。山東運河備覽言楊家埧在濟甯州江北運程

卷十八

器

城東。全河備考。洸河之水貫兗州府。西流合洸水。同經此口。南入運道。原未嘗設埧。正德間。因劉寵之亂。築埧引水。西繞以爲濟城外護。始有埧基。然事平卽開。仍得通運。自崇禎十七年流寇猖獗。東省震動。於是復築此埧障水護城。此特一時固圍之計。至今未改。每遇伏秋水漲。不能洩瀉歸河。兩岸民田大受淹沒之害。且洸洸之水爲此埧所遏。由夏家橋入馬場湖。而後濟運其道反迂。不若改埧爲廂。時啟時閉。急則借以濟運。緩則儲以待用。民田可無淹沒之虞。按楊家埧總河楊方興堵築。康熙三十四年開通。建減水廂。乾隆二十二年改建雙槽石廂。伏秋

水漲。啟板宣洩。由韋馱棚通心橋觀瀾橋西小門草橋五股分洩。而其議實始於備考一書。蓋閱四十年而其策方行云。

江北運程

卷十八

望

江北運程卷十八終



